

Fundargerð 17. fundar

Samtök sjávarútvegssveitarfélaga 11. febrúar 2015

Miðvikudaginn 11. febrúar 2015 kl. 11:00 kom stjórn Samtaka sjávarútvegssveitarfélaga saman til símafundar.

Mættir voru: Róbert Ragnarsson formaður, Steinunn María Sveinsdóttir, Anna Lind Ragnarsdóttir, Páll Björgvin Guðmundsson og Bjarni Th. Bjarnason í forföllum Gauta Jóhannessonar.

Að auki sat fundinn Valur Rafn Halldórsson, starfsmaður frá Sambandi íslenskra sveitarfélaga.

Þetta var tekið fyrir:

1. Ársreikningur 2014

Lagður fram ársreikningur Samtaka sjávarútvegssveitarfélaga fyrir árið 2014 undirritaður af reikningshaldara. Formaður kynnti ársreikninginn. Umræða varð um að ef við ættum næga peninga þá væri spurning um að fella niður ársgjöld í eitt ár. Engin athugasemd gerð við ársreikninga.

Samþykkt að vísa ársreikningnum til kynningar hjá aðildarsveitarfélögum, sbr. ákvæði í 2. mgr. 12 gr. laga Samtaka sjávarútvegssveitarfélaga, og til skoðunar hjá kjörnum skoðunarmönnum. Afgreiðslu verði frestað þar til þessu er lokið.

2. Sjávarútvegsfrumvarp

Rætt um stöðu frumvarpsins og hvernig samtökin ætla að bregðast við því. Ákveðið að biða með viðbrögð þar til frumvarpið hefur verið lagt fram. Ákveðið að reyna að fá fund með sjávarútvegsráðherra

Starfsmanni falið að hafa samband við aðstoðarmann ráðherra og reyna að fá fund 19. febrúar nk.

3. Trillan - smáforrit um íslenskan sjávarútveg ætlað miðstigi í grunnskóla

Formaður fór yfir málefni Trillunnar. Verkefnið hefur nú þegar fengið styrki frá Nýsköpunarsjóði námsmanna og Rannsóknarsjóði Sildarútvegsins til þróunar verkefnisins og er að leita að frekari stuðningi. Samtök sjávarútvegssveitarfélaga reyndu að fá Námsgagnastofnun til að koma að gerð og rekstri Trillunnar, en svo virðist sem lítið framboð sé af fræðsluefni um íslenskan sjávarútveg hjá stofnuninni. Námsgagnastofnun sá sér ekki fært að taka þátt í verkefninu. Sjávarklasinn hefur lýst sig reiðubúinn til að halda sjá alfarið um verkefnið þróun, framleiðslu og rekstri.

Stjórn samþykkir að veita 2.500.000 kr. í verkefnið. Sem yrði greitt í tveimur hlutum. Fyrrihluti, 1.500.000 kr., yrði greiddur í mars en seinni hluti, 1.000.000 kr. þegar smáforritið verður gefið út. Forsenda styrksins er að Sjávarklasinn tryggi rekstur á verkefninu til framtíðar.

4. Fjármagn til viðhaldsframkvæmda

Lagður fram tölvupóstur frá Sandgerðisbæ, dags. 10. febrúar 2015, þar sem lýst er yfir áhyggjum af því fjármagni sem ríkið setur í Hafnabótasjóð.

Stjórn skorar á innanríkisráðherra að tryggja fjármagn til viðhaldsframkvæmda á höfnum til næstu ára í samræmi við nýsamþykktar breytingar á hafnalögum. Fjölmargar hafnir aðildarsveitarfélaga samtakanna eru komnar í viðhaldsþörf og mikilvægt að í samgönguáætlun og fjárlögum næstu ára verði tryggt fjármagn til viðhaldsframkvæmda. Samtökin minna á að sérstök veiðigjöld skila ríkissjóði umtalsverðum tekjum, en réttlætismál er að hluti þeirra renni aftur til sjávarútvegssveitarfélaga

5. Vorfundur Samtaka sjávarútvegssveitarfélaga

Vorfundur samtakanna verður haldinn í Súðavík 12.-13. maí nk. Önnu Lind er falið að setja saman dagskrá og senda á stjórnina

Fleira ekki gert og fundi slitið kl. 12:00
Fundargerð skráði ALR.